

UREDBA O NAČINU DAVANJA SAGLASNOSTI ZA OBAVLJANJE POSEBNOG OBRTA

Sl. novine FBiH br. 47/2009

Član 1

(Sadržaj)

Ovom Uredbom, u skladu sa Zakonom o obrtu i srodnim djelatnostima (u daljnjem tekstu: zakon), utvrđuje se način davanja saglasnosti za obavljanje posebnog obrta.

Član 2

(Nadležnost za davanje)

Saglasnost za obavljanje posebnog obrta (u daljnjem tekstu: saglasnost) daje nadležno ministarstvo, ovisno o vrsti obrta.

Član 3

(Obrazac)

Obrazac saglasnosti propisan je prema Pravilniku o sadržaju i obliku obrtnice, sadržaju i obliku saglasnosti za obavljanje posebnog obrta i sadržaju i obliku odobrenja za obavljanje srodne djelatnosti ("Službene novine Federacije BiH", broj 41/09), u skladu sa stavom (9) člana 16. zakona.

Član 4

(Zahtjev za davanje)

(1) Zahtjev za davanje saglasnosti (u daljnjem tekstu: zahtjev) podnosi se nadležnom ministarstvu, ovisno o vrsti obrta.

(2) Uz zahtjev se, pored rješenja kojim se odobrava obavljanje posebnog obrta, podnose sljedeći podaci:

- a) djelatnost za koju se daje saglasnost
- b) ime, prezime obrtnika i JMBG
- c) adresa stanovanja (mjesto, ulica i kućni broj)
- d) identifikacioni broj obrta
- e) firma obrta
- f) sjedište obrta
- g) dokaz o ispunjavanju uslova za davanje saglasnosti prema posebnim propisima

(3) Nadležno ministarstvo koje je zaprimilo zahtjev, dužno je odlučiti po tom zahtjevu, u roku od 15 dana računajući od dana predaje urednog zahtjeva.

Član 5

(Strani državljani)

Saglasnost data stranom državljaninu prestaje važiti u slučaju prestanka važenja radne dozvole izdate u skladu sa Zakonom o zapošljavanju stranaca.

Član 6

(Prestanak važenja saglasnosti)

Saglasnost prestaje važiti u skladu sa odredbama o prestanku obavljanja djelatnosti prema zakonu i posebnim propisima.

Član 7

(Prestanak važeće uredbe)

Stupanjem na snagu ove Uredbe prestaje da važi Uredba o načinu izdavanja saglasnosti za obavljanje posebnog obrta ("Službene novine Federacije BiH", br. 36/04 i 31/08).

Član 8

(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Federacije BiH".